

漢魏叢書

藉載

拾遺記

卷一
之五

晉王嘉

著

第八十二冊

拾遺記序

拾遺記者晉隴爲戎墟宮室榛字子
年所撰凡十九卷二百二十篇皆僞
殘缺當僞秦之季王綱遷號五都滄
覆河洛之地沒爲戎墟宮室榛蕪晝
藏堙毀荆棘霜露豈獨悲於前王鞠

爲禾黍彌深嗟於茲代故使典章散
滅黷館焚埃皇圖帝冊殆無一存故
此書多有亡敗文起義炎已來事訖
西晉之末五運因循十有四代王子
年乃搜撰異同而殊怪必舉紀事存
朴受廣向奇憲章稽古之文綺綜編

維之部山海經所不載夏鼎未之或
存乃集而記矣辭趣過誕音旨迂濶
推理陳迹恨爲繁冗多涉禎祥之書
博採神僊之事妙萬物而爲言蓋絕
世而弘博矣世德陵夷文頗缺略綺
更刪其繁紊紀其實美搜刊幽祕摭

採殘落言匪浮詭事弗空誣推詳往
迹則影徹經史考驗真怪則叶附圖
籍若其道業遠者則辭省朴素世德
近者則文存靡麗編言貫物使宛然
成章數運則與世推移風政則因時
廻改至如金繩鳥篆之文玉牒蟲章

之字未代流傳多乖曩跡雖探研鐫
寫抑多疑悞及言乎政化訛乎禎祥
隨代而次之土地山川之域或以名
例相疑艸木鳥獸之類亦以聲狀相
惑隨所載而區別各因方而釋之或
變通而會其道寧可採於一說今搜

檢殘遺合爲一部凡一十卷序而錄
焉蕭綺撰

拾遺記總目

卷一

庖犧

神農

黃帝

少昊

高陽

高辛

唐堯

虞舜

卷二

夏

殷

周

卷三

周穆王

魯僖公

周靈王

卷四

燕昭王

秦始皇

卷五

前漢上

卷六

前漢下

後漢

卷七

魏

卷八

吳

蜀

卷九

晉時事

卷十

崑崙山

蓬萊山

方丈山

瀛洲山

員嶠山

岱輿山

昆吾山

洞庭山

目錄終

目錄

卷八

卷八

關山

具香山

谷興山

員都山

關山

古文山

關山

拾遺記卷五

晉隴西王嘉著 梁王嘉著

春皇庖犧

春皇者庖犧之別號所都之國有華胥之洲神母遊其上青虹繞神母久而方滅卽覺有娠歷十二年而生庖犧長頭修目龜齒龍唇眉有白毫鬚垂委地或人曰歲星十二年一周天今叶以天時且聞聖人生皆有祥瑞昔者人皇軀身九首肇自開闢于時日月重輪山明海靜自爾以來爲陵成谷世歷推移難

可紀筭比于聖德有踰前皇禮義文物於茲始作去
巢穴之居變茹腥之食立禮教以導文造干戈以飾
武絲桑爲瑟均土爲埴禮樂於是興矣調和八風以
畫八卦分六位以正六宗于時春有書契規天爲圖
矩地取法視五星之文分晷景之度使鬼神以致羣
祠審地勢以定川岳始嫁娶以修人道庖者包也言
包含萬象以犧牲登薦於百神民服其聖故曰庖犧
亦謂伏羲變混沌之質文宓其教故曰宓犧布至德
於天下元元之類莫不尊焉以木德稱王故曰春皇

其明叡照於八區是謂太昊昊者明也位居東方以
含養蠢化叶于木德其音附角號曰木星

炎帝神農

炎帝始教民耒耜躬勤畎畝之事百穀滋阜聖德所
感無不著焉神芝發其異色靈苗擢其嘉穎陸池丹
藻駢生如葢香露滴瀝下流成池因爲參龍之圃朱
草蔓衍於街衢卿雲蔚藹於叢薄築圓丘以祀朝日
飾瑤堦以揖夜光奏九天之和樂百獸率舞八音克
諧木石潤澤時有流雲洒液是謂霞漿服之得道後

天而老有石磷之玉號曰夜明以闇投水浮而不滅
當斯之時漸革庖犧之朴辨文物之用時有丹雀銜
九穗禾其墜地者帝乃拾之以植於田食者老而不
死採峻醵之銅以爲器峻醵山名也下有金井白氣
冠其上人升於其間雷霆之聲在於地下井中之金
柔弱可以緘滕也

錄曰謹按周易云伏羲爲上古觀文於天察理於
地俯仰二儀經綸萬象至德備於冥昧神化通於
精粹是以圖書著其迹河洛表其文變太素之質